

Столинец

ВКП(б)-лэн Удмуртской АССР-ысь Иж райкомвэлэн но райсоветлэн органзы.
6-тй арзэ потэ № 109 (703) 29 декабре 1940 ар Дуныз 5 коп.

Картофеле-овощной кужмо база кылдытом

Асьме районьсь колхоз'ёсын бакча сион мерттонэз паськытатон нимысьтыз инты басыны кулэ. Асьме район Удмуртилэн столицаысьтыз—Ижевск городысь трудящайёсты бакча сионэн но картошкаен тырмыт обеспечить карыны кулэ.

ВКП(б)-лэн XVIII с'ездэзлэсь решениоссэ быдэс'яса Ижевской районьсь куд-огез колхоз'ёс бакча сион мерттонэз паськытатон туж арын шёлскимон азинскон'ёс басытйзы. „Красный Лудорвай“ колхоз 19 0 арын одйг бакча сион'ёслэсь гинэ 152 сюрс манетлэсь выльтй доход басытйз—1939 арын сярьсь кык поллы трсс. „16 партс'езд“ колхозлэн бакча сион бюджетон'я бригадаез колхозлы кылем арын сярьсь кык поллы трсс доход сётйз. Озы ик кылем арын сярьсь, туж арын умой ре'ультат'ёс басытйны быгатйз „Коминтерн“ колхоз.

Та пример'ёс вераю со сярьсь, что сыче колхоз'ёсын, куд'ёсаз кивалтйсьёс бакча сионэз мерттонлы бад'зым саклык вис'яло, отын бакча сионлэн урожаез но вылын, доход но тростез луэ. Нош сыче колхоз'ёслэн кивалтйсьёсы, куд'ёсыз бакча сион мерттонэз паськытатонэз уг дун'яло, бад'зым янгыш лэсьто, соос уж вылын колхозлэн общественной хозяйствоезлэн паськытанэзлы люкетто. Та относиться кариське, нырьсь ик, Больше Княинской но Советско-Никольской сельсовет'ёсысь колхоз'ёслэн кивалтйсьёсылы.

Кулэ пусйыны сое но, что бакча сион'ёслэн урожайзы туж улын, кудйз быдэс район'я шорлыдын одйг гектарысь 70 центнер ёрос гинэ луэ. Та, агротехникаез туж ялб кутэмлэн бервылыз.

Котькуд колхозлэн, сельсоветлэн, первичной парторганизацйэлэн кивалтйсьёзы туж арлэсь янгыш'ёссэ лыдэ басытоно но азыланьын ужаны, кулэ вывол'ёс лэсьтоно.

ВКП(б)-лэн райкомез но райсоветлэн исполкомез районьсь колхоз'ёс азын бакча сионэз паськытатыны выль, эшшо но бад'зымезь задачаос пуктызы. Открытой грунт'ёс вылэ бакча сион мерттон 760 гектарозь вуттэмьн луыны кулэ, 18 сюрс парник рамаос но 6100 квадратной метр интыен теплицаос лэ'ытоно. Бакча сионлэсь урожайэз чутрак вылэ жутоно. Откры-

той грунт выльсь бакча сион'ёсты гектарысь ёжытсэ 150 центнер басытоно, одйг парниковой рама интыысь—12 килограмм, теплицаын одйг квадратной метрысь—8 килограмм.

Та задачаосты азинлыко быдэстон бакча сион'ёсты мерттонлы образцово дасяськонэз решить кароз. Озы ке но, дасяськон уж'ёс трсас колхоз'ёсын чидантэм ялб мыно. Парниковой хозяйствоез паськытатон понна кулэ на вал 3250 рамаослы котлован'ёс копаны, нош копамын 3030 рамалы гинэ Ягульской сельсоветысь „Холмогорово“, „10 лет УАО“ колхоз'ёслэн правлениоссы котлован'ёс копазы но соин буйгатскизы, парник'ёслы бугроос али ке но дасямтэ, рамаос уг лэсьтйсько. Та'че ик уж'ёс Калининлэн нимыныз нимама колхозын. Колхозлэн председателез Матвеев эш, парник лэсьтыны дасям нолэсэз мукет уже кутйз.

Виль теплицаосты лэсьтон но дугдэмьн. Январь телэзе соос дасясь луыны кулэ, озы ке но, 5 колхоз'ёс пдыльсь та уж борды одйгез но ёз кутскылэ на.

Секыт уж бакча сион кидыс'ёс ласянь. Одйг культурае но тырмыт ёвёл кидыс, нош батун сугон, чеснок кидыс кэбзэ ёвёл. Колхоз'ёслэн правлениоссылы чик жегатскытэк кидыс шедьтон понна вань кулэ ужрад'ёсты куттоно.

Февраль толэзылэн пумаз парник'ёсы бакча сион'ёсты мерттон кутскоз. Та дырлы ваньмыз дасямьн мед луоз. Копано но дасяно вань парник'ёсты, —сузяно, тупат'яно соосты, матаос дасяно, рамаосты лэсьтоно но пияла тыроно, интыысь удобрениосты дасяно, минеральной удобрениосты ворттоно. Овощеводческой бригадаосын ужаны самой умой колхозник'ёсты юнматано, звеноос кылдытоно, котькудйзлы соослы пус'ёно агротехнической план.

Первичной партийной, комсомольской организациослэн, сельсовет'ёслэн, колхоз правлениослэн задачазы луэ со бордын, чтобы бакча сион'ёсты кизён-мерттон азель дасяськоньсь вань тырмытэосты быдтыны но колхозник'ёсты организовать кароно выль урожай басытон понна нюр'яськонэ.

Синмаськымон кичёлтон

Ягульской неполной средней школаысь комсомолец'ёс но пионер'ёс животновод'ёслэсь но натуралист'ёслэсь кружоксэс кылдытйзы.

Пинал'ёс уж борды мылын-кыдын кутскизы. „10 лет УАО“ колхозын пинал'ёс пёртэм звеноос кылдытйзы: одйгез звено кунян'ёсты утылтэ, нош мукет'ёсыз—чуньносты но парсьёсты.

„Милям пудо гидэ лыктэммылы шуэ звеньевод Коля Климов, —МГФ-лэн кивалтйсьез Петров эш шумпотйэ. Милемды соку ик ку-

нян'ёс доры нуизы но утылтыны понна 10 кунян'ёсты вис'язы. МГФ-лэн заведующеезлэсь ми соку ик куримы котькуд кунянылы нимаз вис'ет тупатыны.“

Та'че ик звеноос кылдытэмьн „Сокол“ колхозын но.

Пинал'ёс бад'зым юрттэт сёто колхозлы тулыс ю кизыны дасяськоньн. Соос колхозлы 10 центнер пень люказы ини но азыланьын эшшо 100 центнер люканы план пусйызы на.

Г. Крылов.

СССР-лэн Верховной Советаз депутат'ёсты быр'ён'ёс

СССР-лэн Верховной Советазлэн Президиумезлэн 1940 арын 12 декабре поттэм указныз 161 номеро Сарапульской избирательной округлэсь но 360 номеро Глазовской избирательной округлэсь Союзлэн Советаз депутат'ёсты быр'ён'ёс но 480 номеро Якшур-Бодьинской избирательной округлэсь Национальностёслэн Советазы депутат быр'ён 1941 аре 26 январь азель тупатэмьн.

Та округ'ёсын бырйиськон кам-

пания 1940 арын 26-тй декабрьсен кутскиз.

УАССР-лэн Верховной Советазлэн Президиумезлэн 1940 арын 26 декабре поттэм Указныз 161 номеро Сарапульской избирательной округ'я но 360 номеро Глазовской избирательной округ'я Союзлэн Советаз быр'ён'ёс'я но 480 номеро Якшур-Бодьинской избирательной округ'я Национальностёслэн Советазы быр'ён'ёс'я Округной избирательной комиссиос кылдытэмьн.



Черновицы городысь университет-лэн зданиез (Северной Буковина). Б. Козлюклен фотоз. ТАСС-лэн фотоз.

„Кубанской мора“

Краснодарской крайысь колхозник'ёс Тшикской водохранилище лэсьтонэз йылпум'яло, кудйз кутскемын вал туэ арын тулыс. 32 километр кеме кыстыськемын жуужыт дамба, кудйз ортче нюр'ёс, кустарник'ёс, нолэс'ёс вамен. Отын, кытын ке азывыл нюр'ёс вал, табере луоз „Кубанской мора“. 650 сюрс гектар зеч муз'емез со вуэн согиськемлэсь утылтос.

Водоохранилищеэз лэсьтйсьёс туж бад'зым ужез быдэстйзы. Вакчи дыр кусын гинэ 8 миллион кубометрлэсь трсс грунт копамын но тыремын. Кубаньлэн ярдуртйз 180 километр кемьн суй жутэмьн, 95 километр кузя сюрес лэсьтэмьн.

Кубанской колхозник'ёс шумпотонэн возмало со нуналэз, кустрое лэземьн луоз соосын лэсьтэм сооружение.

(ТАСС).

ИНОСТРАННОЙ ТЕЛЕГРАММАОСЛЫ ОБЗОР

Англо-германской война

Кык уй чоже, 23—24 декабре германской авиацилэн бад'зымезь соединениосыз быд'залаез'я нылетй инты басытйсь Манчестер" английской городэз бомбардировать каризы. Бомбардировкае луэмен сэрэн военной значение басытйсь текстильной фабрикаосын но мукет предприятиосын тылпуос потйзы. Трос вием'ёс но ссырмем'ёс ляд'ясько.

Манчестерен чош ик германской эскадрильяос Лондон, Ливерпуль,

Бристоль, Саутгемптон, Портсмут вылэ налет'ёс лэсьтйзы.

24 декабре потон уй английской бомбардировщик'ёс Германияен оккупировать карем Булонь, Дюнкерк, Остенде, порт'ёсты, Рейнской областысь промышленной объект'ёсты атаковать каризы.

24—25 декабре германской авиация но английской авиация но но кы'че активность проявлять ёз каре.

Албанын военной действоос

Фронтлэн ярдур сектораз дас вить нунал'ем жугиськон'ёс бере, грек'ёс бад'зым стратегической значенио лгивсь Химара портэз басытйзы. Италиянец'ёс север пала чигназы. Валоньн обороналэсь выль линиязэ кылдытыны туртско. Тепелене, Клисурь город'ёслэн районы кужмо жугиськон мынэ.

Поградецалэн котыраз Мокргурезьёсын ульсь грек'ёс итальянской позициос вылэ атакаоссэс выльсь кужмоятйзы. Мур лымы но жоб куазь действоослы люкетто.

Африкаын война

Северной Африкаын англичан'ёс кужымзэс люкало но Бардия итальянской базаез штурмовать каронлы дасясько. Английской танк'ёс, войскоос, артиллерия военной действоослэн районы пумтэм-йылтэм вуо.

Итальянской пикирующей бомбардировщик'ёс огазе люкаськем английской войскоосты атаковать каро.

Рейтер агентстволэн сведениосыз'я, 35 сюрс 949 мурт пленэ шедем итальянец'ёс египетской портысь Сиди-Баррание эвакуировать каремын. Фронтной лагерьёсын сюрс'ёсын ляд'яськись пленнойёс вань на, куд'ёсыз матысь дыре эвакуировать каремын луозы.

Таи но Французской Индо-Китай

Таи но Французской Индо-Китай куспын военной действоос границалэн пёртэм сектор'ёсаз мыно. 23 декабре кужмо жугиськон'ёс ортчизы Меконг шур дорын. Кызы пус'е Таилэн верховной командованияез, француз'ёс пёлын трсс ляд'ясько вием'ёс но ссырмем'ёс.

Таилэн премьер-министрез вераз, что Таилэн правительствоез Французской Индо-Китайлэн атакаосылы пумит ответ сётоно луэ. Со вераз, что военной действоос понна ответственность нуоз Индо-Китай соин, что соос Таилэсь мирной чектон'ёссэ палэнтто.

Японской армиян войналы пумит мылкыд

Китайской печать ивортэ, что японской армиян войналы пумит мылкыд'ёс паськыт ёлмо. 21 декабре Хунань провинциын войналы пумит мылкыд'ем японской отряд но японской войскоослэн мукет отрядзы куспын вооруженной ваче вуон'ёс ортчизы. Хэнань провинциын кёня ке японской чиновник'ёс виемьн вал. Со организовать каремын вал японской армиялэн антивоенной элемент'ёсыныз.

(ТАСС).

ПАРТИЙНОЙ УЛОН

Азьмынись колхозлэн парторганизациез

Ленинлэн нимыныз нимама колхоз арысь аре ялан будэ но юлма, паськыта солэн общественной хозяйствеоз, колхозник'ёс зажиточноее луо. Урожайностья но пудолэн продуктивностез'я умой показател'ёс понна колхоз 1940 арын Всесоюзной сельскохозяйственной выставкалэн участникеныз луэ.

Колхозлэн юмнанэзлы но будонэзлы бадзым юрттэт сэтэ парторганизация. Со организовать каре колхозник'ёсты ВКП(б)-лэн XVIII с'ездэ лэсь, ВКП(б) ЦК-лэн мартовской пленумезлэсь но партилэсь но правительстволэсь сельской хозяйство ужпум'я бьорьсь решениоссэс уж вылын быдэс'ян понна большевистской нюр'ясконэ.

Первичной парторганизацилэн кивалтэм улдас колхоз туэ арын шодскымон азинлык'ёс басьтэз общественной хозяйствеоз юматоньин но паськытатоньин. Али колхозын пудо вордон 4 ферма кылдытэмын но ваньмыз ик соос быдэсак укомплектовать каремын. Нош молочно-товарной фермаын укомплектовать карон'я план 140 процентлы быдэстэмын. Колхоз озы ик государство азын вань обязательствооссэ быдэстэз.

Трослы умой ортчытэмын туэ арын сельскохозяйственной уж'ёс.

Коммунист'ёс уж вылын массаослэн вожак'ёсынызы луо. Соос нюр'яско агротехникаез но Всесоюзной сельскохозяйственной выставкалэн азьмынисьёсызлэсь - участник'ёсызлэсь опытсэс уже кутон понна. Озы тйни шорлыдын вераса тысэ юос'я урожай басьтэмын вал туэ гектарысь 14,5 центнер.

Парторганизацилэн колхозник'ёс пблын авторитетэз бадзым. Со сарысь вера ини таце факт, чо колхозысь самой ответственной ужен кивалто коммунист'ёс. Парторганизацилэн секретарез Коростин эш куиньметй. арэз ини МТФ-ен кивалтэ, ужзэ умой быдэс'я. Пудолэн продуктивностез вылэ жутске, пинал пудо ваньмыз утылтэмын. 1 октябрь азелы ини котькуд фуражной скаллэсь шорлыдын 1500 литр йол кыскемын вал.

Колхозын уж уг мыны вал бача сион'ёсты мерттонэн — доходэз бжит, урожаез урод луэ. Парторганизация та ужпумез эскериз но

колхозлэн правлениезлы дэмлаз овощеводэн назначить карыны коммунистэз Холмогоров эшес. Со бере уж умояны кутскиз. Холмогоров эш ужез понна скулмаське. Озы ик урод уг ужа колхозын парти членэ кандидат Бабина эш. 1940 арын со 400 трудоденьлы ужаз.

Коммунист'ёслэн ваньмызлэн ик партийной поручениоссэ вань. Холмогоров, Коростин, Кунгуров, Бабина эш'ёс агитационно-массовой уж нуо — газет'ёс лыдзо, беседаос ортчыт'яло. Татын бордгазет но потэ (туэ арын 18 номер поттэмын).

Коммунист'ёс асьсэлэсь идейно-политической уровеньзэс жутонын но умойгес ужаны кутскизы, ВКП(б)-лэсь историзэ соос уль звеноя изучать карыса быдэстэзы но али средней звеноя изучать каро ини.

Парторганизация озы ик скулмаське ужаны кутскиз колхозын культураез пычатон понна. 28 муртгожтэт тодымтэос но бжит тодысьёс али гождэтлы дышетско. Красной уголок ужа. Отын беседаос орчы'яско, газет'ёс лыдзо, драматической но хоровой кружок'ёс ужало.

Кемалась ик бвдл парторганизацилэн собранияз 1941 арын тулыс ю кизёнлы дасяскон сарысь ужпум эскеремын вал. Собрание та ужпум'я пёртэм ужрад'ёс пусйиз. Парторганизацилэн секретарез Коростин эш та решениез быдэс'яме эскере. Собрэе уж умой мыныны кутскиз. Кидыс сортировать карыса быдэсме ни, сиес-тйрлык'ёс тупат'ямын, минеральной удобренности ваемын ини но интысь удобрениосты дасян мынэ.

Парторганизацилэн ужаз тырмымтэос пблысь одигеныз луэ со, чо парти членэ кандидат'ёсын воспитательной уж ляб нуиське. Кылсарысь, парти членэ кандидат Платунов эш та дорожь гождэт уг тодына, но уг но дышетскы. Парторганизация бжит ужа беспартийной активен но стахановец'ёсын.

Парторганизация аслэстыз тырмымтэосэс лыдэ басьтыса, азыпала эшшо но юматыны кулэ общественной хозяйствеоз но 1941 арын урожайностез но пудолэсь продуктивностез жутонын выль вормон'ёс басьтыны кулэ.

В. Мохов, ВКП(б) райкомлэн инструкторез.

Нюлэс дасянын азьмынисьёс

Заречной лесопунктын ужась колхоз'ёс тросэз нюлэс ворттонын азинлык'ёс ужало. Озы, кылсарысь, IV кварталлэсь пу вортгон'я планэз „Истомино“ колхоз 112 процентлы быдэстэз, „Виль улон“ — 134 процентлы.

Озы ик 108 процентлы нюлэс коран планэз быдэстэз „Новая крестьянка“ колхоз.

Лесопунктын ичи бвдл стахановец'ёс, куд'ёсыз мултэсэн быдэс'яло ужан нормаоссэс.

Нуналлы пу ворттон норма тупатэмын 1,3 кубометр. Со нормаез

данакез колхозник'ёс азинлык'ёс быдэс'яло. „Виль улон“ колхозысь Н Музыкантов, Н. Кир иллов, П. Кириллов колхозник'ёс нуналлы быдэ 2 кубометр пу вортто. Быдэн 1,9 кубометр вортто А. Светлаков, („Мушкась“ колхоз), В. Бегишев („Новая крестьянка“ колхоз).

„Красный Лудорвай“ колхозлэн пу ворттонын ужась Н. Иглинлэн бригадаез нуналлы быдэ планэз 145 процентлы быдэс'я. Бригадалэн котькуд членэз шорлыдын нуналлы быдэ 2,2 кубометр пу ворттэ.

Г. Галин.

Дырызлэсь азьвыл быдэстэзы

Вожойской лесопункт нюлэс дасян'я но поттон'я IV кварталлэсь планэз дырызлэсь азьвыл быдэстэз. 24 декабрь азелы нюлэс дасян'я план 100,4 процентлы быдэстэмын, нош поттон'я 28 декабрь азелы.

Постоянной кадр'ёс пблысь 15 мурт лесору'ёс нуналлы тупатэм нормазэс мултэсэн быдэс'яло. Пу корасьёс — стахановец'ёс Мутик но Фарахутдинов, нормая 5 кубометр интые. котькуд нуналлы быдэ 10,13 кубометр пукто.

Колхозной вузкаронэз паськытатонэ

Юськинской сельсоветысь, „Виль улон“ колхозысь колхозник'ёслэн вазиськонзы

Милям колхозы 1940 арын сельскохозяйственной уж'ёсты дырыз дыр'я быдэстэз. Нырысь ик ми йылпум'ям государство азын нянь но мукет сельскохозяйственной продукт'ёсты сётон'я обязательствоосмес.

Колхозын пудо вордон 4 ферма кылдытэмын. Ваньмыз соос 100 процентлы укомплектовать каремын. Ю нянь урожай но пудолэн продуктивностез шодскымон вылэ жутске. Ваньмыз та сэтэз луонлык колхозник'ёсты обеспечить карыны сельскохозяйственной продукт'ёсын но сое данак вис'яны Ижевск городысь трудящейёссы вузаны.

Туэ арын милям колхозы государстволы 205 центнер мултэс ю няньзэ вузаз. Со сяна, та матысь нунал'ёсы Ижевск городлэн рынок вузаны понна 10 центнер пызь, 1000 литр йол, 20 центнер картошка но мукетсэ вис'яскомы.

Озы ик, ми, колхозник'ёс но

Ижевск городлэн рынок вузаны понна асьме личной хоаяйствоысьтымы продукт'ёсмес организованно нуомы.

Асьме районысь вань колхоз'ёсты но колхозник'ёсты бтиськомы вань сельскохозяйственной продукт'ёсты организованно вузаны.

Куке асьме районысь вань колхоз'ёс но колхозник'ёс сельскохозяйственной продукт'ёсты организованно вузалозы, соку асьмеос Ижевск городысь трудящейёсты вань кулэ луись продукт'ёсын обеспечить карыны быгатом.

Колхозлэн правлениез:

И. Каменев, А. Липин, Ф. Пушкин, бригадир - овощевод

П. Пушкин, МТФ-лэн заведующий

Е. Чунаева, первичной партийной организацилэн секретарез

Ф. Чунаев, бригадир'ёс: Ф. Лопатин, Ф. Загуляев, колхозлэн счетоводэз

К. Чунаев, колхозник'ёс: А. Хлебов, А. Казанцева.

Ижевск городын ульсьёсты сельскохозяйственной продукт'ёсын тырмыт обеспечить каромы

Ижевской районысь колхоз'ёс 1940 арын сельскохозяйственной продукт'ёслэсь выль урожайзэс басьтэзы. Али котькуд колхоз урожаез люкон'я предварительной ведомостыёс лэстылэ. Государство азын обязательствоосы быдэстэм бере но вань фонд'ёсты кылдытэм бере, колхоз'ёс сельскохозяйственной продукт'ёсты колхозной рынокын вузаны вис'яло.

26 декабре Юськинской сельсоветысь, „Виль улон“ колхозын колхозник'ёслэн собрания орчиз. Собраниян ваньмыз ик колхозник'ёс

огкылысь решить карызы сельскохозяйственной продукт'ёсты рынокын организованно вузаны, кызы ке колхозлэсь, но озы ик котькуд колхозник'ёслэсь.

Та, синмаськымон решение. Та решение асьме районысь вань колхоз'ёсын но колхозник'ёсын кутэмын луыны кулэ.

Рыноке сельскохозяйственной продукциез вайыса, асьме Ижевск городысь трудящейёсты сонин тырмыт обеспечить каром но спекулянт'ёслы пум поном.

А. Каргашин.

Пудолэн выль продуктивностез понна соревнование

Вазиськон кутэмын

Якшур - Бодьинской районысь, «Ударник» колхозлэн молочно-товарной фермаезлэн ужасьёсызлэсь гождэтэсэс обсудить карыса, Люкской сельсоветысь Карл Маркслэн нимыныз нимама колхозлэн МТФ-езлэн ужасьёсыз та ётёнэз ог мылдыдын кутызы.

1941 арын пудолэсь продуктивностез вылэ жутонын понна но выль удойёс басьтон понна, милям фермамы ас вылаз таце обязательствоос басьтэз.

Шорлыдын котькуд фуражной скаллэсь удойзэ 1900 литрозь вуттыны. Выль удоез басьтон понна скалэз нуналлы 3—4 пол кыскыны.

Котькуд кунялэсь шорлыдын сутка чоже привесэ 600 граммозь вуттыны.

Скал'ёсты но пинал пудоез рацион'я гинэ сюдоно.

1941 арын пудо кулон одйг случай но медаз луы.

Пудоез умой утылтыны, нуналлы быдэ сое сузыны но улон интызэ чылкыт возыны.

«Ударник» колхозлэсь ётемзэ кутыса, МТФ-лэн дояркаосыз соревнование пырыськызы. Озы, А. Пушкина обязательство басьтэз аслаз групп

паськытыз котькуд фуражной скалэзлэсь быдэн 2000 литр йол кыскыны. Е. Ф. Кочурова обязательство басьтэз одйг фуражной скаллэсь 1900 литр йол кыскыны. Таце ик обязательствоос басьтэзы мукет'ёсыз но скал кыскысьёс.

1941 арлы фермалэн грубой, сочной но озы ик концентрированной сион'ёсыз тырмыт.

Милям МТФ-мы социалистической соревнование ётиз Верхне-Люкской сельсоветысь «Новый путь крестьянина» колхозез. Милям вызовмы кутэмын.

Басьтэм обязательствоосмес ми азинлык'ёс быдэстон вылысь мылындын ужалом.

П. Безносов,

Карл Маркслэн нимыныз нимама колхозлэн МТФ-езлэн кивалт'ёсез.

Отв. редактор В. АЗИМОВ.

Я Л О Н

Операционной ар йыллум'яскемен валче 5914 номеро Ижевской райсберкасса, озы ик солэн по отчетной кассасыз, 31 декабре 1940 арын клиент'ёсын но кыче одерациос уз ортчыт'ялэ.

3—3

500